

CELEBRACIÓN EN OS COTOS

6-7 de decembro do 2025

II DE ADVENTO



OS COTOS COA IGUALDADE VERDADEIRA DAS PERSOAS,
COS POBOS QUE SOFREN INJUSTIZA E ABANDONO,
COS REFUXIADOS E MARXINADOS DA SOCIEDADE,
COA NATUREZA MALTRATADA,
E SEMPRE SEMENTANDO PAZ

NADAL

4ª SEMANA DO ADVENTO

3ª SEMANA DO ADVENTO

2ª SEMANA DO ADVENTO



1.- ENCONTRO DA COMUNIDADE

(tod@s de pé)

@ monitor/a está na sé

SAÚDO DE BENVIDA



nº 38

Que veña Deus á nosa terra

Celebrante:

Benvidos sexamos todos a esta celebración. Reunímonos para compartir en comunidade a nosa fe no nome do Pai, do Fillo e do Espírito Santo.

A nosa celebración de hoxe comeza coa expresión dun desexo: “*Que veña Deus á nosa terra*”.

Estamos vivindo o tempo do Advento, que é un tempo para prepararnos para o encontro con Deus.

Este ano está a acompañarnos este taboleiro no que amosamos que queremos facer o camiño que nos leva do advento ao Nadal. Cada semana estamos superando etapas para chegar ao alto, ao encontro con Xesús.

Hoxe damos un paso máis, e mirando con sinceridade para a nosa vida, dámonos conta de que temos cousas que cambiar se queremos prepararnos para atoparnos con Deus neste Nadal. Hoxe vai ser Xoán Bautista o que nos alenta neste bo facer.

ACENDIDO DA COROA DO ADVENTO

Celebrante: *A coroa do advento está sendo signo do noso agardar ao Señor. Pouco a pouco imos atopando a luz que nos alumea no camiño da espera e o encontro con Deus e cos demais.*

CANTO 🎵 *Que **veña a luz**...*

Alguén se achega á coroa do advento e lee

Monitor/a: Hoxe queremos medrar coa luz de quen non se contenta con silenzos, e coa súa voz fala condenando a violencia de xénero, e coa súa voz fala de paz condenando a intolerancia e os abusos, e coa súa voz fala de tantas e tantas persoas esquecidas.

Hoxe somos alumeados por quen fai vida a carón de persoas enfermas, somos alumeados polas persoas con discapacidade que se esforzan á nosa beira, somos alumeados por cantos compartides aquí.

E acéndese unha das velas da coroa, mentres se canta

CANTO 🎵 *Que **medre a luz**...*

ORACIÓN PROPIA DO DÍA

Celebrante: *Rematamos esta primeira parte da celebración presentando a Deus as nosas preocupacións confiando en que saibamos cambiar e mellorar para prepararmos o encontro con Xesús que está a vir para facerse fogar de Nadal.*

(silenzo)

Celebrante:

Deus, noso Pai, non deixes que as ocupacións e preocupacións de cada día impidan o noso camiñar ao encontro con Cristo.

Que o teu espírito de sabedoría nos alente a recibilo preparando o Fogar do Nadal.

Pedímoscho por Xesucristo que vive e reina por sempre eternamente. Amén.

2.- PROCLAMACIÓN DA PALABRA DE DEUS

(sentad@s) a palabra de Deus proclámase dende o ambón

Celebrante: *San Paulo na súa carta aos romanos, ao igual que Xoán Bautista no Evanxeo, fálannos deste camiño que estamos a vivir no Advento para chegar ao Nadal.*

Xoán Bautista percorre a rexión proclamando a necesidade de cambiar para mellorar, dando esperanza porque xa está aquí a salvación de Deus que todos veremos. O Bautista non garda silenzo.

Nós, non teremos algo no que cambiar para facelo mellor?.

No Leccionario I A páx 6 Rom 15, 4-9 LECTURA

**PROCLAMACIÓN DA PALABRA RECOLLIDA
NA CARTA DE SAN PAULO AOS ROMANOS**

Irmáns e irmás:

Todo canto antigamente se escribiu, escribiuse para a nosa instrución: para que entre a nosa paciencia e o consolo que dan as Escrituras, manteñamos a esperanza.

Que o Deus da paciencia e do consolo vos faga ter un mesmo sentir entre vós, conforme o exemplo de Cristo Xesús. Para que con un só corazón e unha soa boca louvedes a Deus, Pai do noso Señor Xesús Cristo.

Por iso, acollédevos uns a outros, como tamén Cristo vos acolleu, para gloria de Deus. Pois dígovos que Cristo se fixo servidor dos xudeus en razón da fidelidade de Deus, para lles mostrar a firmeza das promesas feitas aos patriarcas; e tamén para que os xentís, pola súa parte, glorifiquen a Deus en razón da súa misericordia. Tal como está escrito:

Por iso louvareite por medio das nacións e cantarei himnos ao teu nome.

Palabra do Señor

🎵 *nº 7 Andarei na presenza do Señor* **SALMO**

(en pé) No Leccio I A páx 8 **Mt 3, 1-12** **EVANXEO**

PROCLAMACIÓN DO SANTO EVANXEO SEGUNDO MATEO

Naqueles días apareceu Xoán Bautista no deserto, proclamando:

- Convertédevos, que xa chega o Reino dos Ceos.

El era de quen dixerá o profeta Isaías:

Unha voz clama no deserto:

Preparade o camiño do Señor,
endereitade os seus vieiros.

Xoán ía vestido con pelos de camelo e cun cinguidor de coiro no van, e mantíñase de saltóns e mel bravo. Ía onda el xente de Xerusalén, de toda Xudea e máis da banda do Xordán. Confesaban os seus pecados e el bautizábaos no Xordán.

Como se decatara de que moitos fariseos e saduceos viñan a que os bautizase, díxolles:

- ¡Raza de víboras! Quen vos ensinou a fuxir do castigo que está a chegar?. Dade froitos dignos dunha verdadeira conversión, e non vos fagades ilusións dicindo entre vós: "Somos fillos de Abraham", porque vos aseguro que Deus pode sacar fillos de Abraham mesmo destas pedras. Xa está a machada posta contra a raíz das árbores, e toda árbore que non dea froito cortarase e botarase ao lume.

Eu bautízovos con auga para que vos convertades. Pero o que vén detrás miña é máis forte ca min, e nin tan sequera son digno de lle levar as sandalias. El havos bautizar co Espírito Santo e con lume. Porque trae a forcada na man, para limpar a súa eira e na hucha recoller o trigo; e ha queimar a palla nun lume que nunca se apaga.

Palabra do Señor

(sentad@s) gardamos uns instantes de silencio para acoller a palabra no corazón

NADAL
4ª SEMANA DO ADVENTO
3ª SEMANA DO ADVENTO



A primeira semana do advento díxonos **ESPERTA** e mantente vixiante porque Xesús achégase e chegará.

Esta segunda semana proponnos (Alguén se achega e retira do taboleiro o cartel que di 2ª semana do advento)

PONTE EN CAMIÑO

Esta segunda semana do advento somos convidados a pornos en camiño. Non poderemos chegar ao NADAL se nos quedamos quietos e parados.

O certo é que non todo vale, non abonda con deixar que os días pasen.

Xoán, no evanxeo deste día lémbra-nos, que hai moitas cousas que non podemos calar, porque se calamos facémonos cómplices. Tamén Xoán nos convida, e mesmo nos urxe, a poñer mans ao camiño, porque é certo, e non o negamos, hai moito no que cambiar, hai moito no que temos que implicarnos e facelo mellor:

- contra a violencia de xénero, - contra as desigualdades,
- contra os abusos, ...
- a favor das aldeas do rural, - a favor da caridade, - a favor da paz, - á beira dos refuxiados, ...

É camiño ao Nadal **PONTE EN CAMIÑO**

PROFESIÓN DA FE

Celebrante Neste encontro parroquial, sabendo que Ti, Señor, es o Deus que ven ao noso encontro, queremos hoxe facelo mellor para chegar ao Nadal. Ti Señor disnos “ponte en camiño” e nós dicimos:

♪ *Creo, Señor, pero aumenta a miña fe*

Monitor/a:

Cremos en Deus, Pai e Nai

que nos enche do seu amor cando quere que o seu Fillo sexa a luz da nosa vida?

Creo, Señor, pero aumenta a miña fe

Cremos en Xesús Cristo,

que se achega a todos nós convidándonos a cambiar e facelo mellor para atender aos demais no camiño que vai do advento ao Nadal?

Creo, Señor, pero aumenta a miña fe

Cremos no Espírito Santo,

que nos alenta a abrir os ollos para pornos no camiño de darlle unha man a quen necesita ser xustamente tratado?

Creo, Señor, pero aumenta a miña fe

Cremos na Igrexa,

comunidade que queremos facer nestas semanas o camiño que nos leva do advento ao Nadal?

Creo, Señor, pero aumenta a miña fe

ORACIÓN UNIVERSAL

Celebrante: *Oremos ao Señor, noso Deus, quen espera nel non queda defraudado, cambia, e quere facelo mellor. Con este desexo rezamos dicindo:*

Queremos facelo mellor, Señor

Monitor/a

- ✓ Por nós: para que neste tempo de advento sexamos unha man de esperanza en tantas situacións de dificultade e crise que teñen que mellorar. Oremos
- ✓ Polos gobernos: para que, coas súas mans procuren o ben común, axuden a construír camiños de paz, pois dámonos conta de que hai moito que mellorar. Oremos
- ✓ Polas xentes que teñen mermadas as condicións de dignidade da súa vida, para que cheguen a atopar á súa beira a man do Señor que se achega a todos. Oremos
- ✓ Polas nosas parroquias, para que camiñemos cara o Nadal coas mans abertas da paz. Oremos
- ✓ Polas persoas que se cren que o único que importa é o seu, e pechan as mans, cando o que fai falta é cambiar, abrilas e mellorar. Oremos

Celebrante: *Amósanos, Pai, a túa misericordia e dános a túa salvación en Cristo, dándonos unha man para facer o camiño que vai do advento ao Nadal con El que vive e reina por sempre eternamente. Amén*

3.- OS SIGNOS DA COMUNIÓN CON DEUS E COA COMUNIDADE

NOSO PAI

Celebrante: *O advento dinos que Deus está cerca, Deus está na nai que espera un fillo e está no pai que dá un colo; está na muller que espera dignidade e non violencia; está en quen sementa paz; está en quen abre a man para a caridade; está en quen non se acomoda e cambia para mellorar no camiño que leva ao Nadal. Deus está en ti, en min, en nós, e xuntos queremos pornos en camiño. Recemos confiados:*

NOSO PAI ...



SIGNO DA PAZ

Celebrante: *Esperamos a túa paz Señor para que tamén nós poidamos achegala a quen vive sen esperanza. Ser fogar acolledor na fe é selo contigo Señor, e é selo con todas as xentes. Sexámolo pónonos en camiño, cambiando e mellorando. Aléntanos Señor a vivir a esperanza do Nadal, e coma irmáns deámonos a paz.*

🎵 **nº 38** *Que medre a paz na nosa terra*

COMUÑÓN

Celebrante: *Esta mesa de parroquia é a mesa do compartir todo o que Deus nos agasalla, é o sabernos atentos para pornos en camiño, cambiar e mellorar facéndolle sitio ao que nos nace no Nadal. Ditosos nós por sermos invitados a compartir coma irmáns este pan do Señor.*

Señor, eu non son merecente de que entres no meu fogar, mais unha palabra túa abonda para me salvar

🎵 *Que medre a paz (ben, amor, fe, ...)*

4.- AVISOS E DESPEDIDA

ORACIÓN FINAL

Celebrante:

Señor, Noso Pai, rogámosche que a participación na Boa Nova nos ensine a valorar con xusteza os bens da terra e a ter o corazón nos do ceo.

Sabemos que contas con nós para facer mellor no camiño de acoller ao teu Fillo neste Nadal.

Pedímoscho a Ti que vives e reinas por sempre eternamente. Amén

A nosa celebración de advento é vivir a esperanza de atopar luz no encontro con Xesús feito Nadal como nos lembra a vela acendida hoxe na coroa.

A nosa celebración de advento é compartir a fe cos nosos irmáns pónonos no camiño de facelo mellor como nos lembra o taboleiro.

A nosa celebración ten que ser tamén vivir como verdadeiros cristiáns no noso fogar e na nosa parroquia. Por iso cada quen pode levar a parte de hoxe, para pouco a pouco seguir completando a árbore de Nadal deste ano. Levemos a peza de hoxe que nos di

PONTE EN CAMIÑO

(Repartimos esta parte do camiño para levalo para a casa)



*“Preparade o camiño do Señor,
endereitade os seus carreiros”*

Palabras do evanxeo de hoxe

Avísase das misas (ver folla do mes)

*Que teñamos un bo día, unha boa semana
e o Señor nos bendiga,† nos garde de todo mal
e nos leve ao seu fogar de vida eterna. Amén
Podémonos ir en paz. Dámoslle grazas a Deus*